

T-2

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10 i 3/23), na prijedlog Ministarstva za pravosuđe i upravu, Vlada Zeničko-dobojskog kantona, na 29. sjednici, održanoj dana 26.07.2023. godine, d o n o s i

ZAKLJUČAK

I.

Prihvata se Mišljenje Ministarstva za pravosuđe i upravu Zeničko-dobojskog kantona, broj: 06-04/2-02-8073-1/23 od 19.07.2023. godine o Prijedlogu Zakona o dopuni Zakona o Vladi Zeničko-dobojskog kantona (Prečišćeni tekst) - skraćeni postupak, predlagača, Čolaković Fahrudina, poslanika u Skupštini Zeničko-dobojskog kantona.

II.

Zaključak sa Mišljenjem iz tačke I. upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-02-11934/23
Datum, 26.07.2023. godine
Z e n i c a

DOSTAVLJENO:

1x Ministarstvo za pravosuđe i upravu,

1x Stručna služba Skupštine,

1x a/a.





Zeničko-dobojski kanton
n/r Premijera Kantona

Stručna služba Vlade Kantona
n/r Sekretara Vlade

Zenica, 19.07.2023. godine
Naš znak: 06-04/2-02-8073-1/23
Veza akt broj: 02-1-02-8073-2/23 od
22.05.2023. g

PREDMET: Mišljenje na Prijedlog Zakona o dopuni Zakona o Vladi Zeničko-dobojskog -dostavlja se

Ministarstvu za pravosuđe i upravu Zeničko-dobojskog kantona, u daljem tekstu: Ministarstvo, Stručna služba Vlade Zeničko-dobojskog kantona je aktom, broj: 02-1-02-8073-2/23 od 22.05.2023. godine, dostavila akt Stručne službe Skupštine, broj: 01-02-8073-1/23 od 19.05.2023. godine putem kojeg poslanik u Skupštini Fahrudin Čolaković podnosi Prijedlog Zakona o dopuni Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), u daljem tekstu Prijedlog Zakona.

U obrazloženju predloženog rješenja navedeno je da se istim vrši dopuna člana 6. Zakona o Vladi Zeničko-dobojskog kantona, u daljem tekstu Zakon o Vladi, dodavanjem novog stava (2) navedenog člana, te dodaje i član koji sadrži prijelaznu odredbu, te se predlaže razmatranje istog po skraćenom postupku, jer se ne radi o složenom i obimnom zakonu.

U obrazloženju Prijedloga Zakona je navedeno da su razlozi za donošenje Zakona uvođenje dodatnog kriterija za izbor imenovanih lica, odnosno Vlade Kantona, jer zbog brisanja stava (4) člana 6. Zakona o Vladi ostaje samo jedan kriterij za imenovanje članova Vlade koji se odnosi na nacionalnu pripadnost. S toga, kako je u obrazloženju navedeno, predlaže se propisivanje kriterija posjedovanja stručne spreme kao uslova za imenovanje Premijera Kantona i ministara na način da Premijer Kantona i ministar moraju imati završen najmanje VŠS odnosno VI stepen stručne spreme ili visoko obrazovanje prvog, drugog ili trećeg ciklusa studiranja sa najmanje 180 ECTS bodova, kako bi se na taj način stvorili preduslovi za imenovanje najstručnijih lica.

U vezi gore navedenog obrazloženja Prijedloga Zakona poslanika Fahrudina Čolakovića, ukazujemo na sljedeće:

Zakonom o Vladi propisuje se sastav Vlade, u skladu sa ustavnim odredbama i u okviru ustavnih odredbi. Izmjenom Zakona o Vladi Zeničko-dobojskog kantona kojim je izvršena izmjena člana 6. Zakona o Vladi, brisanjem stava (4) navedenog člana nisubrisani kriteriji za imenovanje, niti se kriteriji propisuju ovim zakonom, već se istim uz poštivanje ustavnih odredbi uspostavlja poštivanje ustavnog načela o proporcionalnoj zastupljenosti konstitutivnih naroda i Ostalih.

Zakonom o Vladi propisan je sastav Vlade, prava i dužnosti Premijera i članova Vlade, način rada Vlade, akti Vlade, stručne i druge službe Vlade. Istim se ne propisuju ni opći uvjeti za imenovanje, niti kriteriji za imenovanje, i konačno imenovanje.

Kada je u pitanju „član 2. (Prijelazne i završne odredbe)” napominjemo da *retroaktivno djelovanje propisa* treba *izbjegavati* pa čak skroz i *isključiti* jer je *suprotno pravnoj sigurnosti*.

Ministarstvo za pravosuđe i upravu, uvažavajući podneseni Prijedlog Zakona i razloge navedene u obrazloženju istog, cijeni da u datom trenutku isti u skladu sa navedenom argumentacijom nije provodiv.

S poštovanjem,

Dostavljeno:

- 2 x naslovu,
- 1 x Stručna služba Skupštine
n/r Sekretara
- 1 x a/a



MINISTAR

Edin Hasaničević



Bosna i Hercegovina, Zenica, Kučukovići br. 2
telefon: 032/ 460 740 i 460 741; Fax: 032/460 742
e-mail: min.pravosudje@zdk.ba,
www.zdk.ba



2393
N-2383

Broj: 02-1-02-8073-2/23
Zenica, 22.05.2023. godine

04/2
01/cop

ZENIČKO-DOBOJSKI KANTON
MINISTARSTVO ZA PRAVOSUĐE I UPRAVU
N/R MINISTRA

PREDMET: Prijedlog Zakona o dopuni Zakona o Vladi Zeničko-dobojskog kantona – *skraćeni postupak*, predlagača Čolaković Fahrudina, poslanika u Skupštini Zeničko-dobojskog kantona, *dostavlja se ...*

Stručna služba Skupštine Zeničko-dobojskog kantona je, aktom broj: 01-02-8073-1/23 od 19.05.2023. godine, dostavila Vladi Zeničko-dobojskog kantona Prijedlog Zakona o dopuni Zakona o Vladi Zeničko-dobojskog kantona – *skraćeni postupak*, predlagača Čolaković Fahrudina, poslanika u Skupštini Zeničko-dobojskog kantona, radi davanja mišljenja Vlade shodno odredbama člana 118. i 128. Poslovnika Skupštine Zeničko-dobojskog kantona.

Navedeni **Prijedlog Zakona o dopuni Zakona o Vladi Zeničko-dobojskog kantona – skraćeni postupak**, predlagača Čolaković Fahrudina, poslanika u Skupštini Zeničko-dobojskog kantona, prosljeđuje vam se na postupanje kao nadležnom ministarstvu, te je **potrebno da**, u skladu sa odredbama Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), **dostavite prijedlog zaključka sa mišljenjem, radi razmatranja istog na sjednici Vlade Kantona.**

Prilikom pripreme i predlaganja materijala za razmatranje na sjednici Vlade Zeničko-dobojskog kantona potrebno je voditi računa o rokovima za dostavu mišljenja Vlade koji su definirani Poslovníkom Skupštine Zeničko-dobojskog kantona.

S poštovanjem,

Prilog:

1. Akt Stručne službe Skupštine Zeničko-dobojskog kantona broj: 01-02-8073-1/23 od 19.05.2023. godine

Dostavljeno:

- Naslovu
- 1x Premijeru (na znanje)
- 1x a/a



SECRETAR VLADE

[Signature]
edžad Mulagić





127

Broj: 01-02-8073-1/23
Zenica, 19.05.2023. godine

19-05-2023

02-2 hf

VLADA ZENIČKO-DOBOJSKOG KANTONA

- n/r premijera Kantona

- n/r sekretara Vlade

- **ZAKONODAVNO-PRAVNA KOMISIJA SKUPŠTINE** – svim članovima
putem Odjeljenja za poslove radnih i drugih tijela Skupštine i radno-pravne
poslove-04-01

PREDMET: Prijedlog Zakona o dopuni Zakona o Vladi Zeničko-dobojskog kantona-skraćeni postupak, predlagača Fahrudina Čolakovića, poslanika u Skupštini Zeničko-dobojskog kantona – dostavlja se

Fahrudin Čolaković, poslanik u Skupštini Zeničko-dobojskog kantona, podnio je u skupštinsku proceduru u pisanoj formi predsjedavajućem Skupštine Zeničko-dobojskog kantona **Prijedlog Zakona o dopuni Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10 i 3/23)**, a isti je zaprimljen u Stručnoj službi Skupštine Kantona putem Protokola Zeničko-dobojskog kantona dana 19.05.2023. godine (na Protokolu Zeničko-dobojskog kantona zaprimljen je dana 18.05.2023. godine), te je u tekstu Obrazloženja Prijedloga Zakona u tački II. „Razlozi za donošenje“, predložio da se isti razmatra po skraćenom postupku s obzirom da se ne radi o složenom i obimnom zakonu, a što je u skladu sa članom 140. stav 1. Poslovnika Skupštine Zeničko-dobojskog kantona – Treći prečišćeni tekst („Službene novine Zeničko-dobojskog kantona“, broj: 14/18, 18/18-isp., 7/19 i 7/20).

Odredbom člana 128. stav 1. Poslovnika Skupštine Zeničko-dobojskog kantona propisano je da „pravo predlaganja zakona ima svaki poslanik, radno tijelo Skupštine, Vlada Kantona i općinsko vijeće“, dok je stavom 2. istog člana propisano da „o načinu podnošenja prijedloga zakona, njegovog upućivanja Skupštini, drugim tijelima Skupštine i zainteresovanim organima i drugim organizacijama i zajednicama, njegovog dostavljanja Vladi radi davanja mišljenja u slučajevima kada prijedlog nije utvrdila Vlada, njegovog razmatranja u Zakonodavno-pravnoj komisiji, shodno se primjenjuju odgovarajuće odredbe ovog Poslovnika koje se odnose na nacrt zakona.“

Odredbom člana 118. stav 3. Poslovnika Skupštine Zeničko-dobojskog kantona propisano je da „nacrt zakona predsjedavajući dostavlja i Vladi radi davanja mišljenja u slučajevima kada nacrt nije utvrdila Vlada.“

S tim u vezi, shodno odredbi člana 118. stav 4. Poslovnika Skupštine Zeničko-dobojskog kantona, **dostavljamo vam na mišljenje navedeni Prijedlog Zakona i molimo dostavu mišljenja u propisanom roku od 30 dana**, radi daljeg postupanja Skupštine po Prijedlogu Zakona u skladu s Poslovníkom Skupštine.

S poštovanjem,

SEKRETAR

Ibrahim Avdić
Ibrahim Avdić

Prilog: Kao u tekstu

Dostavljeno:

3x Naslovu

1x Poslancima Skupštine ZDK/05-03

1x U predmet – „R“/05-02



FÄHRUDIN ČOLAKOVIĆ
Poslanik SDA u
Skupštini Zeničko-dobojskog kantona

05-01/19.05/23. 14
05-02/19.05.23. 2

ZENIČKO-DOBOJSKI KANTON

PRIMLJENO: 18-05-2023

Org. jedinica	Klasifik. oznaka	Redni broj	Broj priloga
01	02	8073	

BB

SKUPŠTINA ZENIČKO-DOBOJSKOG KANTONA
STRUČNA SLUŽBA SKUPŠTINE

n/r predsjedavajući Skupštine

PREDMET: Prijedlog Zakona o dopuni Zakona o Vladi Zeničko-dobojskog kantona, dostavlja se

Na osnovu člana 128., a u vezi sa članom 140. Poslovnika Skupštine Zeničko-dobojskog kantona-Treći prečišćeni tekst („Službene novine Zeničko-dobojskog kantona broj 14/18, 18/18-isp., 7/19 i 7/20) podnosim Prijedlog Zakona o dopuni Zakona o Vladi Zeničko-dobojskog kantona.

Prijedlog Zakona s obrazloženjem se dostavlja predsjedavajućem Skupštine Zeničko-dobojskog kantona.

Zenica, 16.05.2023. godina

Podnosilac


Fahrudin Čolaković

Prilog: kao u tekstu

Dostavlja se:

- Naslovu,
- a/a.

Na osnovu člana 37. stav (1) tačka f) Ustava Zeničko-dobojskog kantona, Skupština Zeničko-dobojskog kantona, na _____ sjednici održanoj dana 2023. godine, d o n o s i

Z A K O N
O DOPUNI ZAKONA O VLADI
ZENIČKO-DOBOJSKOG KANTONA

Član 1.
(Dopuna člana 6.)

(1) U Zakonu o Vladi Zeničko-dobojskog kantona ("Službene novine Zeničko-dobojskog kantona", broj: 7/10-prečišćeni tekst i 3/23) u članu 6. iza stava (1) dodaje se novi stav (2) koji glasi:

„(2) Za Premijera Kantona i ministre može biti imenovano lice koje ima najmanje VŠS odnosno VI stepen stručne spreme ili visoko obrazovanje prvog, drugog ili trećeg ciklusa studiranja, sa najmanje 180 ECTS bodova”.

(2) Dosadašnji stavovi (2) i (3) postaju stavovi (3) i (4).

Član 2.
(Prijelazne i završne odredbe)

Stupanjem na snagu ovog zakona Premijeru Kantona i ministrima koji ne ispunjavaju uslove u skladu sa članom 6. stav (2) ovog zakona prestaje mandat.

Član 3.

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj:

Datum, 2023. godine

Z e n i c a

PREDSJEDAVAJUĆI

Dejan Kovačević, s.r.

OBRASLOŽENJE

I. Pravni osnov:

Pravni osnov za donošenje ovog zakona sadržan je u članu 37. stav (1) tačka f) Ustava Zeničko-dobojskog kantona.

II. Razlozi za donošenje:

Članom 6. Zakona o Vladi Zeničko-dobojskog Kantona je propisano da Vladu čine: Premijer Kantona i 10 ministara, da Vladu Kantona potvrđuje Skupština Kantona većinom glasova te da Vlada Kantona odražava nacionalnu strukturu Kantona prema popisu stanovništva iz 1991. godine. Nedavno smo imali izmjenu ovog zakona gdje je brisan stav (4) ovog člana koji se odnosio na proporcionalnu zastupljenost članova Vlade gdje smo tada znali tačno koliko članova Vlade se imenuje shodno propisanoj nacionalnoj proporcionalnosti, što više nije slučaj. Imajući u vidu da se spominje jedini kriterij za imenovanje članova Vlade, a to je nacionalna pripadnost, odlučio sam da se ovim Prijedlogom Zakona uredi pitanje propisivanja još jednog kriterija, a to je stručna sprema. Ovim prijedlog ne želim dovesti u pitanje kompetencije i stručnost imenovanih lica za Premijera Kantona i ministre, posebno imajući u vidu da je u prethodnim sazivima Vlade bilo jako dobrih, odličnih premijera i ministara, ipak smatram da bi se trebalo ovo pitanje urediti na način da Premijer Kantona i ministar moraju imati završen najmanje VŠS ili Bolonjski sistem studiranja sa najmanje 180 ECST bodova. Ovim načinom bismo stvorili preduslove za imenovanje najstručnijih lica za Premijera Kantona i ministara koji bi kao takvi opravdali povjerenje koje im se ukaže.

Predlažem da se ovaj zakon razmatra formi Prijedloga Zakona **po skraćenom postupku** s obzirom da se ne radi o složenom i obimnom zakonu.

III. Obrazloženje pojedinih pravnih rješenja

Članom 1. dopunjuje se član 6. osnovnog Zakona o Vladi Zeničko-dobojskog kantona gdje se propisuje uslov koji mora ispunjavati lice koja se imenuju za Premijera Kantona ili za ministra i to da mora imati **najmanje** višu školu (VŠS) odnosno VI stepen stručne spreme ili visoko obrazovanje prvog, drugog ili trećeg ciklusa studiranja, sa **najmanje** 180 ECTS bodova. Dakle lice da bi bilo Premijer Kantona ili ministar mora ispunjavati uslove u pogledu stručne spreme i to tako što posjeduje diplomu o završenoj školi VŠS- VI stepen, VSS- VII stepen, 180 ECT, 240 ECST, 360 ECTS, magistarski ili doktorski studij.

Članom 2. uređuje se pitanja trajanja mandata postojećim članovima Vlade tako što se kroz prijelazne i završne odredbe uređuje da stupanjem na snagu ovog zakona Premijeru Kantona i ministrima koji ne ispunjavaju uslove u skladu sa članom 6. stav (2) ovog zakona prestaje mandat. To znači da ukoliko neko od ministara ili Premijer Kantona ne ispunjavaju uslove u pogledu propisane stručne spreme da im danom stupana na snagu ovog zakona prestaje mandat.

Članom 3. uređuje se stupanje na snagu ovog zakona, i to osmog dana od dana objavljivanja u „Službenim novinama Zeničko-dobojskog kantona“.

IV. FINANSIJSKA SREDSTVA

Za provođenje ovog zakona nije potrebno da se obezbijede dodatna finansijska sredstva u Budžetu Zeničko-dobojskog kantona.

Podnosilac prijedloga

Poslanik u Skupštini Zeničko-dobojskog kantona

Fabrudin Čolaković



254.

Član 4.

Na osnovu člana 2. Zakona o izmjenama i dopunama Zakona o Vladi Zeničko-dobojskog kantona („Službene novine Zeničko-dobojskog kantona“, broj: 4/06) i člana 44. stav 1. tačka d). Poslovnika Skupštine Zeničko-dobojskog kantona - Prečišćeni tekst («Službene novine Zeničko-dobojskog kantona», broj: 12/09, 19/09 i 5/10-isp.), Zakonodavno-pravna komisija Skupštine Zeničko-dobojskog kantona, na 57. sjednici održanoj 21.06.2010. godine, utvrdila je Prečišćeni tekst Zakona o Vladi Zeničko-dobojskog kantona.

Prečišćeni tekst Zakona o Vladi Zeničko-dobojskog kantona obuhvata:

- Zakon o Vladi Zeničko-dobojskog kantona („Službene novine Zeničko-dobojskog kantona“, broj: 16/00),
- Zakon o izmjenama i dopunama Zakona o Vladi Zeničko-dobojskog kantona („Službene novine Zeničko-dobojskog kantona“, broj: 7/05) i
- Zakon o izmjenama i dopunama Zakona o Vladi Zeničko-dobojskog kantona („Službene novine Zeničko-dobojskog kantona“, broj: 4/06)

u kojima je označen dan njihovog stupanja na snagu.

Broj: 01-02-17385-1/10

Datum, 21.06.2010. godine

Zenica

PREDSJEDAVALAČI**Suad Agić s.r.****ZAKON****o Vladi Zeničko-dobojskog kantona
(Prečišćeni tekst)****I. OPĆE ODREDBE****Član 1.**

Vlada Zeničko-dobojskog kantona (u daljem tekstu: Vlada) je izvršni organ Zeničko-dobojskog kantona (u daljem tekstu: Kanton) koja vrši izvršnu vlast Kantona.

Član 2.

Premijer Kantona, ministri i Vlada Kantona u cijelosti za svoj rad odgovorni su Skupštini Kantona.

Ministri su odgovorni i Premijeru Kantona, u skladu sa Ustavom i ovim zakonom.

Član 3.

Premijer Kantona predstavlja i zastupa Kanton.

Vlada upravlja imovinom u vlasništvu Kantona, ako ustavom i zakonom nije drugačije određeno.

Vlada uređuje svoj rad, unutrašnju organizaciju, kao i djelokrug i ovlaštenja službi koje obrazuje.

Član 5.

Sjedište Vlade je u Zenici.

II. SASTAV VLADE**Član 6.**

Vladu čine: Premijer Kantona i 10 ministara.

Vladu Kantona potvrđuje Skupština Kantona većinom glasova.

Vlada Kantona odražava nacionalnu strukturu Kantona prema popisu stanovništva iz 1991. godine.

Vlada Kantona se sastoji od sedam članova iz reda bošnjačkog, dva člana iz reda hrvatskog i dva člana iz reda srpskog naroda.

Član 7.

Premijer Kantona i ministri, nakon potvrđivanja imenovanja od strane Skupštine Kantona, daju svečanu izjavu pred Predsjedavajućim Skupštine Kantona.

Tekst svečane izjave glasi: „Svečano izjavljujem da ću povjerenu dužnost obavljati savjesno, pridržavati se Ustava Bosne i Hercegovine, Ustava Federacije Bosne i Hercegovine, Ustava Zeničko-dobojskog kantona i zakona, zalagati se za ljudska prava i slobode i da ću u svim prilikama štiti interese Bosne i Hercegovine, Federacije Bosne i Hercegovine i Zeničko-dobojskog kantona i ravnopravnosti naroda i građana“.

Član 8.

Vlada postavlja i razrješava Sekretara Vlade, na prijedlog Premijera Kantona, a u skladu sa Zakonom o državnoj službi u Federaciji Bosne i Hercegovine („Službene novine Federacije BiH“, br. 29/03, 23/04 i 39/04).

Sekretar Vlade odgovara za svoj rad Vladi i Premijeru Kantona.

Sekretar Vlade ima status rukovodioca samostalne kantonalne uprave, odnosno samostalne ustanove.

III. PRAVA I DUŽNOSTI PREMIJERA I ČLANOVA VLADE**Član 9.**

Premijer Kantona predsjedava sjednicama Vlade i rukovodi radom Vlade, odgovoran je za njen rad,

osigurava jedinstvo u izvršavanju poslova iz djelokruga Vlade, osigurava saradnju sa drugim organima Kantona, organima BiH, Federacije BiH, sa organima općine (ili sa drugim državnim tijelima), organima međunarodne zajednice, kao i sa drugim institucijama ili pravnim licima i usmjerava djelovanje Vlade kao cjeline i članova Vlade pojedinačno, te vrši i druge poslove utvrđene Ustavom Kantona.

Premijer potpisuje akte Vlade Kantona.

Član 9a.

Premijer Kantona donosi odluku o smjeni ministra, ukoliko se ministar u izvršavanju svojih obaveza i ovlaštenja ne pridržava politike koju je utvrdila Skupština Kantona i smjernica Skupštine Kantona, kao i uputstava i smjernica Vlade Kantona, ako u okviru svojih mjerodavnosti ne osigura provođenje zakona i drugih propisa ili ako iz drugih razloga postane nedostojan vršenja funkcije.

Odluka o smjeni ministra je konačna kada je potvrdi Skupština Kantona.

U slučaju da je mjesto ministra ostalo upražnjeno, Premijer Kantona će ovlastiti lice koje će rukovoditi ministarstvom u skladu sa zakonom, do okončanja procedure izbora novog ministra, a najduže tri mjeseca.

Član 10.

U slučaju privremene spriječenosti Premijera Kantona, Vladom predsjedava član Vlade koga pismenim aktom odredi Premijer Kantona.

U slučaju kada Premijer Kantona nije u mogućnosti odrediti člana Vlade koji će ga zamjenjivati, kao i u slučaju upražnjenja mjesta Premijera Kantona, dok novi Premijer ne preuzme dužnost, predsjedavajući Skupštine, uz konsultaciju oba zamjenika predsjedavajućeg Skupštine, odredit će jednog od članova Vlade koji će obavljati dužnost Premijera Kantona.

Član 11.

Članovi Vlade mogu pokrenuti inicijativu za donošenje zakona i drugih propisa, predložiti razmatranje i pretresanje pojedinih pitanja iz nadležnosti Vlade, kao i predložiti utvrđivanje stavova Vlade, te imaju i druga prava i dužnosti utvrđene ustavom i zakonom.

Član 11a.

U slučaju privremene spriječenosti ministra u obavljanju njegovih ovlasti i obaveza, mijenja ga rukovodeći službenik koga pismenim aktom odredi ministar, bez prava glasa na sjednicama Vlade.

IV. NAČIN RADA VLADE

Član 12.

Vlada radi na sjednici.

Vlada može odlučivati ako sjednici prisustvuje više od polovine članova Vlade.

Vlada ne može odlučivati ako sjednici prisustvuju članovi Vlade iz samo jednog konstitutivnog naroda.

Vlada odlučuje većinom glasova prisutnih članova.

Član 13.

Za davanje prijedloga i mišljenja o pitanjima iz svoje nadležnosti, Vlada može osnivati stalna i povremena radna tijela (odbore, komisije i dr.)

Sastav i nadležnosti radnih tijela iz stava 1. ovog člana uređuje se Poslovníkom Vlade ili aktom o osnivanju.

Član 14.

Vlada osigurava javnost svog rada.

Član 14a.

Vlada Kantona donijet će Poslovník o svome radu u roku od 30 dana od svoga konstituisanja, koji će, pored ostalog, urediti postupak i način zakazivanja sjednice Vlade Kantona, postupak i formu prethodnog razmatranja materijala, utvrđivanje prijedloga i zaključaka, način jednakopravne upotrebe jezika i pisma konstitutivnih naroda u pripremi i izradi pisanih materijala, način izvršenja zaključaka, prenošenje ovlaštenja i zaduženja, i druga poslovnička pitanja.

Pojedina pitanja iz stava 1. ovog člana, ukoliko nisu utvrđena Poslovníkom Vlade Kantona, uređuju se zaključkom Vlade Kantona.

V. AKTI VLADE

Član 15.

Vlada u ostvarivanju svojih ovlaštenja utvrđenih ustavom i zakonom donosi: uredbе, odluke, rješenja i zaključke.

Član 16.

Uredbom se uređuju najvažnija pitanja iz nadležnosti Vlade, bliže uređuju odnosi za sprovođenje zakona, osnivaju stručne i druge službe i utvrđuju načela za unutrašnje ustrojstvo kantonalnih organa uprave.

Odlukom se uređuju pojedina pitanja ili propisuju mjere Vlade i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade.

Član 21.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi i određuju zadaci kantonalnim organima uprave i službama Vlade.

Sekretarijat za zakonodavstvo vrši poslove koji se odnose na stručnu pripremu nacрта i prijedloga zakona, drugih propisa i općih akata koje Vlada predlaže Skupštini Kantona, obezbjeđivanje metodološkog jedinstva u izradi propisa i drugih općih akata i njihovu saglasnost sa ustavom Bosne i Hercegovine, Federacije i Kantona, objavljivanje u službenom glasilu Kantona Ustava, zakona, drugih propisa i općih akata koje donosi Skupština Kantona, propisa i drugih općih akata koje donosi Vlada, ministarstva i drugi organi uprave, kao i druge poslove koje odredi Vlada.

Član 17.

Uredbe i odluke objavljuju se u „Službenim novinama Zeničko-dobojskog kantona“, a ostali akti Vlade ako je to u njima navedeno.

Ako sekretar Sekretarijata za zakonodavstvo ocijeni da pojedini propis ili drugi opći akt ministra koji rukovodi ministarstvom ili funkcionera koji rukovodi organom uprave ili pojedine odredbe tog propisa ili općeg akta nisu u saglasnosti sa ustavom Bosne i Hercegovine, Federacije Bosne i Hercegovine i Kantona, zakonom i drugim propisom, prije objavljivanja tog propisa u službenom glasilu Kantona, upozorit će na to Vladu.

VI. STRUČNE I DRUGE SLUŽBE VLADE

Član 18.

Za vršenje određenih stručnih, tehničkih i drugih poslova za Vladu, njena radna tijela i organe uprave, Vlada obrazuje Stručnu službu Vlade i druge službe.

Za vršenje određenih poslova za potrebe ministarstava i drugih organa uprave Kantona, Vlada može obrazovati zajedničke stručne službe.

Aktom o obrazovanju stručne službe Vlade, zajedničkih i drugih službi, utvrđuje se njihov djelokrug kao i položaj i odgovornost tih službi i lica koja njima rukovode.

Član 21a.

Za rješavanje o žalbama izjavljenim protiv prvo-stepenih rješenja kantonalnih organa uprave i upravnih organizacija, donesenih na osnovu zakona i drugih propisa Zeničko-dobojskog kantona (u daljem tekstu: Kanton), obrazuje se Komisija za drugostepeno upravno rješavanje (u daljem tekstu: Komisija), kao stručno tijelo Vlade Zeničko-dobojskog kantona (u daljem tekstu: Vlada), ako drugim zakonom nije drugačije određeno.

Član 19.

Vlada vrši nadzor nad radom svih stručnih službi koje obrazuje.

Sekretar Vlade usklađuje rad svih stručnih službi u obavljanju poslova za potrebe Vlade i odgovoran je za njihov rad.

Odredba prethodnog stava ne odnosi se na Sekretarijat za zakonodavstvo i druge samostalne stručne službe Vlade.

Aktom o osnivanju Komisije utvrđuje se: nadležnost, rukovođenje i druga pitanja od značaja za organizaciju i rad Komisije.

Član 20.

Obavljanje određenih stručnih poslova u vezi sa pripremom zakona i drugih propisa koje Vlada predlaže Skupštini Kantona, vrši Sekretarijat za zakonodavstvo kao samostalna stručna služba Vlade.

Radom Sekretarijata za zakonodavstvo rukovodi Sekretar koga postavlja i razrješava Vlada, na prijedlog Premijera Kantona, a u skladu sa Zakonom o državnoj službi u Federaciji Bosne i Hercegovine („Službene novine Federacije BiH“, br. 29/03, 23/04 i 39/04).

Sekretar Sekretarijata za zakonodavstvo ima status rukovodioca samostalne kantonalne uprave, odnosno samostalne ustanove.

Sekretar Sekretarijata za zakonodavstvo može imati jednog ili više pomoćnika.

.....

- b) stvara obaveze, odnosno rashode ili opterećenja budžetskih pozicija, ako ti rashodi ili opterećenja budžetskih pozicija nisu odobreni u okviru iznosa alociranog za tog budžetskog korisnika (član 8.);
- c) Ministarstvu finansija ne dostavi prijedlog mjesečnog operativnog plana u propisanom roku (član 12.);
- d) postupe suprotno članu 46. ovog zakona;
- e) postupe suprotno članu 48. ovog zakona;
- f) ne vode evidencije obaveznih pomoćnih knjiga (član 53.).

Član 60.

(Ovlašćenje za donošenje podzakonskih akata)

Ovlašćuje se Ministar finansija da donosi pravilnike, uputstva, naredbe i druge podzakonske akte o provedbi ovog zakona.

Član 61.

(Ravnopravnost spolova)

Gramatička terminologija u ovom zakonu podrazumijeva uključivanje oba spola.

Član 62.

(Stupanje na snagu)

Zakon stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se od 10.03.2023. godine.

Broj: 01-02-3752/23

Datum, 10.03.2023. godine

Zenica

PREDSJEDAVAJUĆI

Dejan Kovačević, s.r.

56.

Na osnovu člana 37. stav 1. tačka f) Ustava Zeničko-dobojskog kantona („Službene novine Federacije BiH“, broj: 7/96, „Službene novine Zeničko-dobojskog kantona“, broj: 1/96, 10/00, 8/04 i 10/04), Skupština Zeničko-dobojskog kantona na 5. sjednici, održanoj 10.03.2023. godine, donosi:

ZAKON O IZMJENI ZAKONA O VLADI ZENIČKO-DOBOJSKOG KANTONA (Prečišćeni tekst)

Član 1.

U članu 6. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 7/10 - Prečišćeni tekst), stav (4) briše se.

Član 2.

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-3757/23

Datum, 10.03.2023. godine

Zenica

PREDSJEDAVAJUĆI

Dejan Kovačević, s.r.